



EBENEZER MINISTRY INDIA

("Thus far the Lord has helped" (Isam.7:12))

Branch Office: C/O H.Haokip, H/No.3
Chachal VIP Road, Sixmile, Guwahati-781022 (Assam)

Contact No. 07399420125 / 09401385984 (E-mail: hejangkips@rediffmail.com / hejang33@gmail.com)

Date: 30/01/2018

Amasan Pakai lenggam na itoh khom nau report petheiya kaum jeh in kaki pah in Pathen ka thangvah e, nang le na insung micheng jong Jesu minin kangailut nau chibai kahinbol uve.

MINISTRY REPORT

1. Tuition: Ebenezer Ministry in Slum, Narengi muna hapta khat



sunga Tuesday & Thursday seh le free tuition aga kibol peh jingin, agom kom kom le Jesu Christa mingailut na thupha jong akisei peh jingin ahi. Hiche tuition kibolna jeh ahileh phatkhat teng amahon jong Christa a hinna ahin nei theina diuva ngailutna neipum'a



hahjongleh kiboipi ahiuvin, hijeh chun lungtup lenpen hi alohin nadingin taonan hin gel doh jingun.

2. Visit of Hospitals: Ebenezer Ministry in Hospital a damlouho jokham chan'in vilna le taopeh na jong akinei jingin ahi. Damlouna sangtah neiya damding kinem talou ho leh lungmong theilou ho jong Pathen a kingaiya lungmona anei theina diuvin jong a ki tilkhon jingin ahi.

3. House Visitation : Guwahati khopi sunga in vilna jong akinei jingin, hiche a hin eimi hihen, paodang tho ho jong vilna akinei jingin, chuban a lekhasim holeh natoh holjinglai ho jong jokham chan in akivil'in tilkhouna toh taopehna akinei jingin ahi.

4. Advent Christmas 2107 for Slum dweller & other friends: December nikho

19/12/2017 in KWS-G Church compound muna Slum a cheng minu leh mipa phabep leh tuition chapang cheng, chuleh heng le koma Pathen thu jakha loulai ho toh Advent Christmas nomtah le lolhing tah in ana kimang khomin ahi. Chutoh kilhon'in Pathen thu akisei pehjouvinn, Christmas gift, Blanket khatcheh pehdohna akineiyin, program kichai jouvin ahung jouse ngailutna ankuong akiso khompi in ahi.



Christmas kiman lo dan hiche nia pat in ahin hethei tauvin kipa umlkeh jingin ahi. Ama honjong akipa nau thu jong aphonhdoh un ahi. Pathen in alung sunguva ahinna thupha a ahoupai jing na dingun taonan geldoh jingute.

Chule Advent Christmas program kiman na dinga thilpeh ding, nehle chah manding sumle pai hintoh doh jouse chung a kipana kahin phonge. Chukit leh anikho nia nehle chah semna le decoration a pan hungla ho jouse chung a jong kipa thu kahin seiye. Malam hinkho a jong Pathen in na thilpha bolnau jeh in phatthei na chamkim leh vangboh na jat chom chomin tahsa le lhagaovin nape jing tauhen.

5. Distribution of Bible Tracts: Gospel Tracts jong jochan in hopdohna ana kinei jingin ahi. Chuleh adeh a boldinga kana tup jing khat ISL 2017 kichep veho jong gospel tracts peh teiding tia kitup jingchu ana kipehdoh theijin ahileh kipa umin, Pathen thangvah in umhen. Tracts kilah a simjouse lungsunga Pathen in athu a houlimpi cheh taohen.

6. Counselling/Seminar KWS-G : (1) Date 10/05/2017 nikhon jong One day Seminar on "Preparation For Christian Holy Marriage" a jong pan ana kilan ahi.

(2) Date:26 & 27 June 2017, 2nd batch a Main Speaker hinan jong pan kana lan ahi. Pathen lungset in hiche camp sunga chun mi (9) in kihetchetna / pentahna jong ana nei uvin, loupina Pathen chang taehen.

7. Mission Tour: 1) 2nd week July 2017 sungin Diphu Thadou Baptist Church a Saturday leh Sunday Pathen thu a kaga ki mangchan ahi.



- 2) Naharlagun (AP) Jubilee English School muna jong nivei vilna kaga neiyin ahi.
- 3) Manipur vilna jong kineiyin Hou-in hoa Pathen thu seina jong 3 vei kaneiyin ahi.

8. Prayer Cell vilna: KWSG Mission te lamkainan Noonmati Prayer cell visit naleh Pathen thua tilkhouna neiyin pan kana lan ahi. Chutuh lhon'in KSOG Sports meet a group 3 kigomin Pathen thangvahna kina jong tilkhouna na neiyin kana pang kit in ahi.

9. Ministry danga involved hina ho:

1) **Guwahati Pastors Bible study.** Hiche Pastors Bible study hi Rev. Dr J.M Pau in Guwahati khopi sunga Pastors umho anomchan dinga lhaseh a khatvei Bible study kineiji a chuleh Pastor ho breakfast jong provide abol jiu ahin, anomin kaphat chompi lseh jenge.

2) Guwahati Hou-Lhacha

taokhomna: Guwahati khopi sunga KWS-Guawahati hopsunga hou-lhacha chengin kiloikhom na akineiyin lhaseh a



khatvei taokhomna, sharing naphat jong akinei khomjin, taona items chom chomin akitao khomjin, hiche a kona hi khat leh khat kitosot a kitho khom jing dinghi poimo tah in aki gelin, ministry toh kisai hijong leh kitil khouna leh kitaopeh tona nikhon jong akimangin ahi.

3) Guwahati Airport fellowship: Guwahati Airport fellowship hin taokhomna aphot phat in akineiyin, chuleh Sunday jong fellowship akinei khom jin ahi. Tahsa le lhagaova kipun khom akihi toh lhon a Pathen thua tilkhouna leh taopeh naho lamkaiyin kapang jingin ahi.

GAF in Advent Christmas jong nikho 17/12/2017 in Moidapur (Rani) Pastor Lempu Vaiphei innmun a nidam 5:00 – 8:00pm chanin nomtah in ana ki mangkhomin, chule Speaker hinan jong pan kana latheiyin fellowship lamkai ho leh mipi chungah kipa thu kaseiyin ahi.

Airport fellowship jong malam a Pathen lhagao mapuina changing machal jing taken.



10. Advent Christmas with AGMA: December 17th 2017 in Amazing Grace Ministry Asia tohgon na noiya Advent Christmas Moidapur Mission Field muna 10:00am – 12:00am sungin Advent Christmas nomtah in ana kimangin, Chuban a Andhirjuli muna 2:00pm – 4:00pm sungin Speaker hinan pan kana latheiyin kakipah in Pathen kathang vah e, chuleh

AGMA, Director Rev. Dr. H.D. Angam Haokip leh inneipi chungah jong kipa na thu kaphongin ahi. Pathen umpi na changin program ho boina imacha umlouvin nomtah in akichai theyin, loupina Pathen chang taken. Ajeh chu hiche munlah hi tumangsang jep a chu Hindu RSS kiloikhom hon church jong asuh set uva, mi jong phabep ana voh u ahin, Christian kidou dalna nasa tah munjong ana hin ahi. Taonan ana geldoh jingute.



11. Church Dedication: Meghalaya, Killing village mun a Baptist Missionary Church thenso na kin a Speaker hinan Hou in thah lutna kina jong pan kaga lan ahi. Mipi chu 30-35 tobang ahiuvin, atamlou vangun akhouva Hou-in thah khat agah umdoh thei chu akipah



thei l'eh jengun ahi. Pathen phate cha ahoujing theina diuvin taopeh jingute.



12. Teenagers Bible Club: Vengsunga khangdong phabep toh bible study khatvei veileh akinei jin ahi. Hiche kibol lona penhi ahungkhan doh utoh kilhon a Pathen thu khohsah leh Pathen lung deilam hinkho aman uva khonunga dinga phatthei channa ahithe dan thu ho kihilna leh Pathen vahchoi khomna phat, chuleh taopehna phatna jong kimang ji ahi.

Tulai khangdong ho dingin taopeh jingute.



13. Baptist Leaders Meeting Guwahati:

Manipur Baptist Convention ho tohgon na noiya Secretaries conference, Guwahati Mission compound a neiding atiu to kilhon'in, Guwahati muna Baptist church background umho toh kitho khom'a hiche conference hi phate cha bolchai ding lung

tup ahito kilhon'in pan nathei chan'in panjong ana kilan ahi. Pathen kithopi na jallin hiche Secretaries conference chu lolhing tah in ana kichai thei tan ahi.



14. Slum muna Von hopdoh: Slum muna minu, mipa chuleh chapang ho dingin vonjong hopdohna ana kineiyin ahi. Hiche von, ponsil chuleh adang dang hindong khom KWS Guwahati nute ponpan naleh khohsah jalla hithei ahijeh in Ebenezer ministry in KWSG nute chungga kipa thu seijou louvin kahin phonguve.



Pathen in malam hinkho a jong thilpha boljou jing thei dingin naki thopi uhen nalhonpi jing tauhen. Hitobang ngailutna thilpeh a kona hin kihet them tonal eh kingailutna apungin, Pathen thu jong aki seipeh theiyin ahi. Von sang ho jousen jong thil kiboldho a kona hi Jesu mi ngailutna ahethaina diuvin taopeh jingute.



15. Meghalaya, Killing Village muna vonhopna:

Hiche muna hin inchen khosah hahsa tah tah aching uvin, sille chen, kengchot seding neilou adap a dap, janpon jong angaichat bangu neijou lou dimset ahiuvin, kaga chotlut nichun nasa tah in kalung asu na lkeh jengin ahi, KWS-G nuteho von ase khom



uva hitobanga ngaichatna neiho dinga sille chen adang dangho hoptheiding ahin donkhom uhi thupi kasan nute ho jallin Pathen kathangvah in ahi. Amaho jong akipah thei lkeh jenguvin ahi. Ngailut na a thilpha akibol peh jeh uva Pathen ahin het uva, Jesu Christa a huhhingna ahin neithe na diuvin taonan geldoh jingute. Nute ho chungah kipa thu



avelin kahin phongdoh kit in ahi.

16. Slum a New Year mithai kihom:

Brother Todd Paye le aloipa Anish, kaloi tenin jong a hung vilhon in, slum a free tution kiboldna mission field a kumthah kipa pina leh tilkhouna ahung nei lhon jeh in ama ho jong akipah thanom lkeh jenguvin ahi. Loite ni chungah jong kipathu kaseiyin



ahi. Mi tilkhon theiya thilpha abolhon hi Pathen vangboh na chang jing lhon taken.

17. SEMINAR ON PARENTING TEENAGERS: Guwahati khopi sunga cheng minu mipa te dingin Seminar Parenting Teenagers hi ana kigongin, KWS-G toh pan ana kilakhomin members 38 tobangin pan ana la theiyin ahi. Hiche seminar hi keima jengtah injong kaphatchompi in, ahungjao jouse dinga jong aphatchom ding kagingchan ahi. Pathen in Resource Persons Rev. Dr J.M Pau (Former Gen.Secy. CBCNEI) Chuleh Mrs Lucy , Director, Elim Resouce Center, Guwahati amani jong malam hinkho a jong mangcha jing lhon taken. Seminar hi Kuki Worship Service, Guwahati Church muna ana kimangin ahi.



18. Sponsored Children: Ebenezer ministry in lungtup leh vision kinei bangin 2015 - 2017 kum chanin chapang hahsa genthei mi chopna ana kinei jing chu Pathen lungset leh nangho taopeh na chuleh kithopi jalla kiche jom jing thei ahi jeh in nachung uva kipa thu kahin seiye.



Pathen phasah ahileh tukum 2018 a patna hi mi 5 hisah dinghi lungtup ahin, itao naova jong ana hejingute. Tu le tua chapang kichopdan hi ahileh mini (2) hi full a kichom ahin, adang hi school kaina tution kipeh peh a ama umna muna lekha asim jomtheina dinga panpi na kinei ahin, mikhat a Rs.750/- tution fees ahin adang chu angaikhoh dungjuiya kingaito peh ji ahiye.

Hitobang chapangho lah a mikhat nakithopi nom a ahileh Ebenezer Ministry a kona pan nalah thei ahiye. Chapangkhat hinkho semdohna dinga eiho jousen pan ilah khom lou uleh chapang tamtah hinkho lamvai jing ahi ti geldoh jingute.

Pa-Pathen leh I-Pakaiyu Jesu Christa milungset nachun naumpi jing tauhen.

Kakipah e

Pakaiya natoh khompiu

Rev. Lhunjang (Hejang) Kipgen

Ebenezer Ministry, Guwahati.

